

宋教仁被刺記

鑄金署

宋教仁先生



最近時之攝影


宋先生傷痕攝影






宋先生傷痕攝影

影 攝 之 世 後 去 生 先 宋



宋先生去世後之攝影





朱先生輓抵南湖會館之時攝影

# 被刺記目錄

之暗殺

事前之警告

到車站時之情形

行凶時之情形

刺客逃走之情形

中槍後之入醫院

入醫院後之宋教仁

槍子取出時之情形

西醫之報告

黃克強之探問

痛苦中不忘國事

看護時之觀察

剖解時情狀

被刺之地點 附圖

宋教仁之家屬

各方面之輿論

法律上之檢查

二十二日午前病狀

彌留時之慘狀

含殮前之攝影

視含者之悲慟

驗傷之報告

各方面之緝捕 附賞格 一二三四五

奇怪之信件

宋先生殯儀之通告

淒風慘雨大殯儀

底湖南會館時之悲風

殯殮時之追述

凶手就縛

英捕房之訊鞫

偵探時之線索

偵探之經過

妓寮之緝護

行凶犯之投網

英總巡之協緝

應變雖之歷史

武士英之歷史

凶犯家查抄

宋先生哀辭

西儒哀悼宋先生

西報評宋先生之被刺

# 宋教仁被刺記

## ●可駭之暗殺

三月二十一晚十時四十五分滬甯鐵路車站忽發現一可駭之暗殺案即宋鈍初先生定於十一時乘特別快車赴甯轉附津浦車北上而忽有刺客於此時狙擊宋先生也

## ●事前之警告

數日以前本埠即傳說有人來滬謀刺宋先生宋先生亦親聞此說並得友人警告書多通謂宋前至寧時即有人潛隨其後意欲行刺因勸宋先生戒備而宋先生夷然處之曾親告記者謂光天化日之政客競爭豈容有此種卑劣殘忍之手段吾意異黨及官僚中人未必有此特謠言耳且即使非謠吾豈以此懈吾責任心哉云云記者聞此方深服宋先生之淵量而不意暗殺之事居然實現甚矣（秘密談話）之衣鉢其流毒之深且鉅也

## ◎到車站時之情形

宋先生以十時許到車站，即偕同行者及送行諸公，在議員接待室小憩。至十時四十分頃，由吳仲華君引導，與拓魯生、黃克強、陳勤宣、廖仲凱諸君（以上係按行次前後叙列，宋先生則在陳廖二君之間）向車站出口處進行。甫至剪票處之旁，槍聲即起。

## ◎行兇時之情形

予君行時，並招呼友人，亟捕兇手，而兇手已不知去向。當行刺時，共聞槍聲三響。第一響聲最低，蓋即擊中宋先生之腰部者。後二響，末中有人謂目見該兇手發第一槍後，即匍匐於地，以槍左右連放兩響，其意殆以嚇止追捕之人。而是時車站警察不知所司何事，送行諸公則急欲護持宋先生，未及他顧，竟任此兇手揚長而去。可恨也！該兇手身材短小，着黑色軍衣，惟記者所訪問諸人，皆未覩其面貌。如昨晚在車站目擊此事之人，能以所見兇手面目報告於警署，則亦地方公安之幸也。

## ●刺客逃走時之情形

宋先生被刺後即退立鐵柵旁告同行者曰（吾中槍矣）其聲甚低此時當已極痛苦一時同行者皆集扶先生而刺客即於此時逃逸據車站西崽言當時聞槍聲即追出似見一人在地上扒起望外狂奔自裏月台至站門中間連跌二次隨跌隨起隨奔竟至逸去其時並無一巡警在旁力驚駭時回視水菓攤旁之兩人亦已杳無蹤影云云平時夜車開必有巡警在站梭巡而前夜出事之時竟不見一巡警斯亦大可研究者也

## ●中槍後之入醫院

時于右任君在議員接待室方與數友人敘話因宋黃諸君外出于君以爲二君已上火車即趕至月台忽聞槍聲知有變異急出視則遇宋黃二先生於剪票處門口宋先生即曰吾中槍矣于君謂此時一方面宜追覓兇手一方面以送入醫院療治爲急因亟偕某君汽車親送宋先生至滬甯鐵路醫院

## ●入醫院後之宋教仁

于右任君送宋先生至醫院時，以醫生未入院，暫在別室小憩。宋先生痛極，撫于君之首，至其胸際而言曰：「吾痛甚，殆將不起。今以三事奉告：（一）所有在南京、北京及東京寄存之書籍，悉捐入南京圖書館；（二）我本寒家，老母尚在，如我死後，請克強與公及諸故人爲我照料；（三）諸公皆當勉力進行，勿以我爲念，而放棄責任。心我爲調和南北事，費盡心力，造謠者及一班人民，不知原委，每多誤解，我受痛苦，也是應當死，亦何悔餘無他語，嗚呼痛矣！」

## ●槍子取出時之情況

宋先生受彈處，在右腰骨稍偏處。及醫生到院後，以手術檢視傷處，而十二時三十分始取出槍子。子形尖小，似係六寸九響之勃郎寧手槍所用。惟記者非軍事學家，未敢斷定。

## ●西醫生之報告

宋先生受彈處流血不多而痛苦特甚殆因傷處適近心臟之故當槍彈取出後醫生注射止痛藥水使其安睡而宋先生猶呼痛不已呻吟宛轉目不忍視記者曾向該院醫生 Dr. Culpin 氏詢以宋先生性命有礙否醫生曰（此時吾實不敢言必俟四十八小時後或可有慰君之報告耳）以狀測之宋君之傷勢沉重前途正未知如何耳噫

## ◎黃克強之探問

記者將離醫院時適克強先生來問傷狀因至宋先生病室宋先生見黃先生以手招之而言曰如我死後諸公總要往前做並請克強先生報告袁總統謂我已中槍云云言至此黃先生即出記者亦歸其後情形且俟續記以餉讀者

## ◎痛苦中之不忘國事

宋先生於昨日受傷至醫院時猶授意黃克強先生代擬致袁總統電文一通如下北京袁大總統鑒仁本夜乘滬甯車赴京敬謁鈞座十時四十五分在車站突被奸

人自背後施槍彈。由腰上部入腹下部。勢必至死。竊思仁自受教以來。即束身自愛。雖寡過之未獲。從未結怨於私人。清政不良。起任改革。亦重人道。守公理。不敢有一毫權利之見存。今國基未固。民福不增。遽爾撒手。死有濁恨。伏冀大總統開誠心布公道。竭力保障民權。俾國會得確定不拔之憲法。則雖死之日。猶生之年。臨死哀言。尙祈鑒納。宋教仁啓。

### ●看護時之觀察

民立報社特派住院錫三有宋先生病床筆紀如下。廿日夜二時。余方解衣欲睡。忽得館中函告。宋先生被狙擊事。囑往滬寧鐵路醫院照料。既至。悉先生已沉睡。乃坐談至天明。看護言先生已醒。似覺較前痛楚。余因入問。先生呼痛殊甚。余扶起看護者。以玻璃瓶進。囑余扶先生小解。歷二十分鐘。始得出。顏色鮮紅。皆血液。厥後痛楚益甚。時以手執余衣。輒曰。吾不畏死。特苦痛耳。出生入死。吾慣習之。果醫者能止吾之痛。則死亦何怨。余慰先生再三。然其痛又急。乃復執余衣。微嘆曰。吾不料南北調

和之事乃若是之難。事如斯奈何奈何。忽復言曰：罷了罷了，惜兇手在逃，不知彼誤會吾者，乃爲何許人？言畢，看護者對余言：醫生將至。時正六時也。迨醫者來，余以狀態詳告之。醫者減察數過，旋以嗎啡針打入其左臂。先生乃漸沉睡。醫者告看護以十一時再來。臨行囑咐一切，越數十分鐘，客漸集，詢問病狀。惟醫生囑不許外人攔入，致擾先生腦力。右任英士克強相繼到院，約十時二十分左右，先生復醒，覺痛少減，惟屢吐宿食。及醫者來細視一週，余以克強先生意譯告之，請多延醫者相與研究。於是格爾本醫士即召比林哈斯醫士至，相與考驗，遂告右任曰：須開割始有望。請從速決議。是時適克強已去，右任乃與同人商議。主開割者居多數。於是告兩醫士。兩醫士又召捷克生、摩亞兩醫士來院相助。少頃，克強先生接右任之電話，亦來院。英士旋亦至。醫士決定以二時開割。及時將先生移至二層樓割診室。時祇許以一人臨視。先以迷藥撲面，繼下刀，共兩下，約廣六英寸，取腸出驗之。去血塊縫之後，解迷藥。至三時十五分竣事。據醫士言，似有希望云。

## ●剖解時之情形

剖解時醫士僅許于君右任一人在旁審視剖解後並言此時尙無把握故不能具報告書僅就剖割情形略述如下槍彈取出後朱先生曾大小便一二次鮮紅如血且呼痛楚不止迨剖割時先薰迷藥繼用刀將腹與腰部間割開其創口約六英寸檢視大腸有一處爲槍彈洞破故腸中之飲食時溢出於腸外此爲其痛楚之原因其腸外之血亦隨破裂處闌入腸內此爲其大小便出血之原因醫生隨將腸臟修補將其中之血塊除去又縫其創口復將迷藥解去五時後聞宋先生頻頻呼痛雖醫生時以嗎啡針注射俾其神經略靜而猶宛轉反側眞令人目不忍觀八時許又得報告謂醫生檢查內部腰臟實受有傷亦有血出故其痛楚尤甚嗚呼慘矣

## ●被刺之地點

先是宋先生與送行諸人同在接待議員室談話及開車時至拓魯生黃克強陳策由(乙)正門走至(辛)點等候宋先生與廖仲凱由(乙)之偏門入買票室乃由